


Ripiticion di pelicula
Recordando Gabriel Garcia
Márquez diabierna 24 di maart
pa 9:10 di anochi



ORANJESTAD – Riba 6 di maart 2017 Gabriel Garcia Márquez lo a cumpli 90 año.

Mirto Laclé, hunto cu Biblioteca Nacional Aruba y Departamento di Cultura Aruba un biaha mas ta uni forza en cooperacion cu nos planta nacional Tele-Aruba (canal 13 y 23), pa transmiti e pelicula Gabo, la Magia de lo Real.

Con un mucha di e pueblo Aracataca di e parti nort di Colombia por a gana curason y simpatia di miyones di persona, desde esunnan di mas pover te na e lidernan mas poderoso na mundo?

Ademas tambe, con e obranan literario di Gabriel Garcia Márquez por a cambia nos percepcion di realidad?

E contesta ta: E historia di Gabriel Garcia Márquez, Premio Nobel di Literatura na año 1982, autor di e obra maestro Cien Años de Soledad (1967), obra literario conoci na henter mundo y traduci na centenares di idioma.

P'esey tin e oportunidad unico pa mira ripiticion di e pelicula Gabo, la Magia de lo Real diabierna awo, 24 di maart, despues di e sorteo di Lotto pa Deporte pa mas o menos 9:10 p.m. na nos planta nacional Tele-Aruba.